

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025

Nd.10 Ng.22

Liggaeuq ietceih nienz ndwengouj co' ngeih Geizsoq: Gungh daih 3690 geiz

Heiqgo Minzcuz 《Liuj Liujcouh》 Youq Ciet Yisuz Cungguek Gaiq Cibseiq Oknaj

10 nyied 17 hauh banhaemh, heiqgo minzcuz 《Liuj Liujcouh》 youq Ciet Yisuz Cungguek Gaiq Cibseiq youq Cunggzing banh haenx oknaj, bouh heiq neix dwg Gvangjsih Gohvuj Giyen baizyienj. Bouh heiq neix miz gij fungcingz deihfueg Gvangjsih naekna caeuq gij yisuz lai yiengh, hawj bouxyawj yienhcieg lai roxyiuj gij yinxdaeuz seizdaih vwnzva Gvangjsih, dingq gij “yaem ak vwnzva” diegdeih Betgveiq.

《Liuj Liujcouh》 dwg Swcigih Dangiveij Senhconzbu, Swcigih Vwnzva Caeuq Lijyouz Dingh doiok, Gvangjsih Vwnzva Canjyez Cizdonz

lienhab doiok. Bouh heiq neix diuz sienqmeh dwg gij ginglig boux guen Dangzdai Liuj Cunghyenz deng gyangq guh Liujcouh swsij, lwnh de guenj Liujcouh seiq bi doengh gij guhfap gajbienq gij yak cwngcwz, feiqcawz gij yak sibgvenq, hwngfat guhhong, doihengz gyauyuz, doenggvaq yisuz yienghsienq cauh okdaeuj, langhbaij gij leixniemh guh guen “guen dwg hoiq minz” “aeu leih hawj minz” de. Heiqmoeg yungzhab gij yenzsu Seidanz Yozfuj Cunghyenz, fwen Gvangjsih caeuq heiqgo seiqgyaiq, aeu gij daejheiq vwnzva Cunghyenz caeuq fungcingz

Bwzyez doxyungz hwnjdaeuj, hengzguh gij leixniemh yisuz “cauhyienj gaiq bonjdieg, gangjok gaiq gozci”.

Haemhhaenx Cunggzing Dagiyeen vunz lai vunz daih, buenx miz gij yaem'wenq gujcwngh ndeidingq, heiqgo minzcuz 《Liuj Liujcouh》 hainduj yienj. Gwnz daizheiq, miz gij baijbouh daizheiq fungcingz baihbaek Gvangjsih caeuq dinfwnz gvanghyingj daihneix dox yungzhab, mboujdan hoizdaug gij yienghsienq gaeuqgeq Liujcouh Dangzdai, youh cau'ok gij gingqeiq yisuz gig miz seiq. Gyoengq bouxyienj ciengq ak caeuq

yienj ndeyawj, yienjok Liuj Cunghyenz youq Liujcouh hwng guh yozdanz, cuengq bouxhoiq, guh cingjraemx, buqcawz maezsaenq doengh gij saeh neix, aeu gij cingz vih bouxminz “sim you lajmbwn, cau'fuk bouxminz” de langhbaij okdaeuj liuxliux. Mwh yienjok, Seidanz Yozfuj caeuq fwen Gvangjsih doxhab ciengq, yaem daihgeq caeuq daihneix doxyungz, diuh rwenzrwz ndeidingq, hawj bouh heiq neix mboujdan baujmiz gijndei minzcuz yinhyoz, youh miz gij rengz yisuz heiqgo daihneix.

(Sunh Yenjbungz)

Cungzcoj: Guh Ciet Baeyouz Vwnzva Roengzdoengh Bien-gyaiq Cungguek Yeznanz

10 nyied 17 hauh, Cungzcoj Si Dasing Yen guh ciet baeyouz vwnzva roengzdoengh Cungguek Yeznanz, minzsuz fungcingz cunzyouz, langhbaij feihyiz caeuq heiq Yeznanz ciuyinx haujlai bouxhek. Ciuq cam rox, baez ciet neix dwg vih vatcimh gij vwnzva miz daegsaek bien'gyaiq Cungguek Yeznanz, coihaeuj song guk bouxmiz lai doxgyau, guh gaiq saeh hoengh comz miz vwnzva, baeyouz, diyzuz, gaicawx doxcae he. Ndaw doz dwg gyoengqvunz caez ciengq go diuq foux.

(Lungz Dauh ingj)



《Sing Moq》 Ndaej Dungzgujciengj

Mboengqneix, gij mingzdan ndaej ciengj Gaiq Cibngeih Gvangjsih Vwnzyi Cauhguh Dungzgujciengj cingqsiq goengbouh. Cek saw 《Sing Moq》 neix ak gvaq doengzdaih cozbij daengx gih ndaej aen ciengj Gvangjsih vwnzyi ciengj ceiq sang, cek saw neix dwg canghraiz Dungzguj Liujcouh Yangz Swfangh raiz, Gvangjsih Gyauyuz Cuzbanjse okbanj.

《Sing Moq》 raiz gij gojgaeq caensaed hawj vunz gamjdoengh. Cozbij hopheux Yungzsuij Myaucuz Swciyen Dangiguih Cunh Vuhyingh Mbanjmyauz dieg bya laeg gapgyaiq Gvangjsih Gveicouh, lwnh gij yienghsienq mehmbwk minzcuz vunznoix aeu Liengz Cuzyingh guh daihyau de. Gyoengqde aenvih lizsij diuzgienh hanhdingh mbouj ndaej doeg saw gvaq, guekgia haenqrengz

doigvangq cienzdoh saw vah doengyungh guekgia, hengzguh “cienz Bujdunghva coenghrenez guhhoengh lajmbanj”, si, yienh gak gaep minzcungh, fulenz, senhconz doengh gij bouhmonz neix gaenx guh, doenggvaq hai yezyau doengh gij guhfap neix, bang gyoengqde hag saw vah doengyungh guekgia. Ganbu capmbanj naihsim bang, gyoengqde ngamq hainduj deng bae hag, cugyamq bienq baenz gag bae hag, gag naemj lai rox saw. Dij ndaej naeuz dwg, ganbu capmbanj mwh son saw vah doengyungh guekgia, hix gaenx hag vah minzcuz vunznoix dangdieg, rox caeuq vunzlai dangdieg gangjogj.

Cienzdoh saw vah doengyungh guekgia, bang aenmbanj minzcuz bienqvaq lailai. Gyoengq mehmbwk

mboujdan ndaej caeuq baihrog doxgyau, engq hag rox yungh vangjdioxlien caeuq aen seiqgyaiq engq gvangq lienziep, guhbaenz aeu gij vwnzva maenhndei minzcuz bonjfaenh nyoengx coh daengx guek caiqlij daengx seiqgyaiq. 《Sing Moq》 cek saw neix aeu lwnhgangj haenqrengz duetgungz caeuq guhhoengh lajmbanj, yungzhaeuj aen dem aen benqduenh ndwenngoenz caensaed ndaej rox bae, mboujdan langhbaij gij cingzciq caensaed mwh Gvangjsih guhhong banggunz caeuq guhhoengh lajmbanj, hix yienh'ok gij yiedcingz haenqguh gak cuz vunzlai, yienjok le hag ndei saw vah doengyungh guekgia caeuq couqmaenh gij eijsik Cunghvaz Minzcuz ranz vunz ndeu, coihaeuj swnjcienz minzcuz vwnzva, bangrengz

guhhoengh lajmbanj miz yungh lailai.

Gij gojgaeq mehmbwk Vuhyingh Mbanjmyauz 《Sing Moq》 lwnhgangj haenx, gaenq yingjyangj daengz rog guek. 2025 nienz 6 nyied 19 hauh, youq gwnz Gaiq Samcib It Bwzgingh Gozci Duzsuh Bozlanjvei, 《Sing Moq》 Sawyinghvwnz, Sawhanzvwnz, Sawyeznanzvwnz, Sawyinnizvwnz, Sawlaujvohvwnz haj loh banjbonj saw cingqsiq fatbouh. Lai cungj vah doiok, aeu vwnzyoz daplaeb aen giuz moq Cungguek caeuq rog guek vwnzva doxgyau, hawj seiqgyaiq ndaej lai rox gij hwngfat bienqvaq dieg minzcuz vunznoix Cungguek, caeuq gij guhbaenz couqmaenh gij eijsik Cunghvaz Minzcuz ranz vunz ndeu aeundaej haenx.

(Liz Yingzyingz Suh Gyahli)